

Ennen vaalia 2026

Ruotti voittaa vihriäisellä politiikalla

Ruotti saattaa olla fantastinen maa missä ellää. Mutta kehitys mennee väährään suunthaan. Ulospäästöt lissäintyvät. Erot kasuavat. Luontoa prässäthään takashiin. Niin se ei tartte olla.

Miljöpartiet halvaa kääntää kehityksen ja investeerata tulevaisuutheen.

Met halvaama rakentaa Ruottin joka pyssyy koossa. Ruotti jossako klimattimuutos luopii uusia töitä, vahvistaa hyvinvointia ja tekkee meät vaphaiksi fosilista polttoaineista. Jossako junat toimivat ja ihmiset saattavat ellää kestävästi – koko maassa.

Met halvaama suojata luontoa joka kantaa meitä kaikkia. Mettät, meret ja järvet pittää suojata ja net pitävät olla saatavia kaikile – tänäpäivänä ja tuleville sukupolvile.

Samala met halvaama rakentaa enämpi tasa-arvosen ja oikeuenmukhaisen Ruottin. Inhimilisen yhteiskunnan jossako kaikki lapset saavat hyvän alun elämässä, jossako hyvinvointi toimii ja jossako kethään ei jätetä ulkopuolele – Ruotti vapa sekrekasuunista ja rasismistä.

Kaikki kuuluvat yhtheen. Ko met vähenämmä ulospäästöjä, vahvistamma hyvinvointia ja suojaama luontoa met rakenamma turvaliseman ja voimakhaaman Ruottin.

Matkan sinne met tehemä yhessä. Ottamalla vastuuen täälä ja nyt met saatama lua muutoksia joitako tarttee tulevaisuuele.

Sen takia Ruotti voittaa vihriäisellä politiikalla.

miljöpartiet de gröna



Lue lissää meän politiikasta osotheela: www.mp.se

Vaalimanifesti 2026

Miljöpartiet mennee vaahliin oikeuenmukhaisella klimattimuutoksella koko maassa, enämpi tasa-arvosella yhtheiskunnala joka vahvistaa Ruottia ja voimakhaamalla suojala luonole ja miljööle. Met puolustamma temokratiita, inhimilisiä oikeuksia, kaikitten ihmisitten vaphautta ja oikeutta ette muutostaa heän ommaa elämää.

Ruotti voittaa...

1. Vähentämällä meän ulospäästöjä ja olemalla voimakas ääni korkeile klimattiampisuunile EU:ssä ja kansanvälisesti.

2. Suursatsaamalla klimatti-investeerinkhiin niinku rautateihin, uusiutuvhaan sähköhön ja vihriäisheen teolisuutheen jotka luovat paljon uusia töitä.

3. Pääsemällä pois fosilitten polttoainneitten riippuvaisuudesta ja rakentamalla ulos uusiutuvvaa energiitä. Antamalla paikalisyhtheiskunnale maksohyvitystä tuulivoiman ja vesivoiman voitoista.

4. Laittamalla Ruottikortin kolektiivitrafikille joka jällaa koko maassa – 499 kruunua täysile ja 249 kruunua lapsile, styntille ja pansunäärile.

5. Rullaamalla ulos kansalisen sähköpiiliofensiivin: Kaikila pittää olla vara vaihettaa sähköpiihliin.

6. Vähentämällä ekonoomisia eroja verottamalla superrikhaita ja nostamalla asuntoavustusta, lapsenavustusta ja laittamalla erityisen lisän yksinhäisile vanhuuksille.

7. Poistamalla markkinakoulua, toppaamalla voittoja ja katkasemalla koulusekrekasuunia. Koulu pittää tulla enämpi tasavertaseksi, saaja enämpi resyrsiä ja pienempiä lapsiryhmiä luokahuohneesheen.

8. Lyhentämällä jonoja hoi jossa, parantamalla hoitohenkilökunnan työehtoja ja rakentaamalla ulos primärihoitoa ette se tullee helpposaatavaksi kaikile.

9. Valvomalla ette useamat saavat kätevää apua psyykkisessä epäterhveyessä ja huomaamalla lapsia ja nuoria aijalansa.

10. Laskemalla työaika kaikkile ja ottamalla ensimmäiset askelheet neljänpäivänviikhoon.

11. Poistamalla karenshivähenystä ja lissäämällä turvalisuutta saihraussa.

12. Suojaamalla enämpi arvokasta luontoa ja säilyttämällä voimakasta rantasuojaa.

13. Toppaamalla teolisuustroolaria ja ylikalastusta ja antamalla tukea rannikkolikhiisheen kalastusheen.

14. Parantamalla elläinhyvinvointia. Vähempi ahthautta ja enämpi ulkonaoloa elukoile ja toppi niin tyrpukananpoikasille ja tuskalisille elläinkokheile.

15. Ottamalla kiini useampia jängikriminelliä, vahvistamalla estämistyötä ja lissäämällä paikalista polisin läsnäoloa.

16. Lissäämällä samanvertasuutta. Vaimot pitävät tuntea turvalisuutta, niillä pittää olla sama ekonoominen omavalta ja saaja hoitoa samoila ehoila ko miehet.

17. Vahvistamalla suojaa meän juomaveestä ja satsaamalla enämpi klimattisovitaksheen.

18. Lissäämällä peretskaappia meän elintarvike-elatukselle ja vahvistamalla ruottalaista maapruukia.

19. Lissäämällä tukea kulttuuhriin, satsaamalla siviliyhtheiskuntamiljaarhiin ja laittamalla kultturellin jokamiehenoikeuen kaikkile lapsile.

20. Toppaamalla mahottomia karkottamisia: Ei ennää karkottaa teini-ikäsiä elikkä erottaa perheitä. Ihmiset jotka oon rakentanheet ylös heän elämät Ruottissa pittää saaja jääjä.

21. Parantamalla perepolitiikkaa satheenkaariperheile. Puolustamalla ja vahvistamalla oikeuksia HBTQI- henkilöile.

22. Rakentamalla voimakhaan totalipuolustuksen, lissäämällä ruottalaista apua ja puolustamalla kansanoikeutta.